

明狀元圖考目錄卷之三

世宗 永陵

嘉靖二年癸未姚 涑 浙江寧波府慈谿人

嘉靖五年丙戌龔用卿 福建福州府懷安人

嘉靖八年己丑羅洪先 江西吉安府吉水人

嘉靖十一年壬辰林大欽 廣東潮州府海陽人

嘉靖十四年乙未韓應龍 浙江紹興府餘姚人

嘉靖十七年戊戌茅 瓚 浙江杭州府錢塘人

嘉靖二十年辛丑沈 坤 直隸淮安府太河人

嘉靖二十三年甲辰秦鳴雷 浙江台州府臨海人

嘉靖二十六年丁未李春芳 直隸揚州府興化人

嘉靖二十九年庚戌唐汝楫 浙江金華府蘭谿人

嘉靖三十二年癸丑陳謹 福建福州府閩縣人

嘉靖三十五年丙辰諸大綬 浙江紹興府山陰人

嘉靖三十八年己未丁士美 直隸淮安府清河人

嘉靖四十一年壬戌徐時行 直隸蘓州府長洲人

嘉靖四十四年乙丑范應期 浙江湖州府烏程人

穆宗 昌陵

隆慶二年戊辰羅萬化 浙江紹興府會稽人

隆慶五年辛未張元汴 浙江紹興府山陰人

今上

萬曆二年甲戌孫繼臯 直隸常州府無錫人

萬曆五年丁丑沈懋學 直隸寧國府宣城人

萬曆八年庚辰張懋脩 湖廣荊州府江陵人

萬曆十一年癸未朱國祚 浙江嘉興府秀水人

萬曆十四年丙戌唐文獻 直隸松江府華亭人

萬曆十七年己丑焦竑 直隸應天府旗手人

萬曆二十年壬辰翁正春

福建福州府侯官人

萬曆二十三年乙未朱之蕃

直隸應天府錦衣人

萬曆二十六年戊戌趙秉忠

山東青州府益都人

萬曆二十九年辛丑張以誠

直隸松江府青浦人

萬曆三十二年甲辰楊守勤

浙江寧波府慈谿人

萬曆三十五年丁未黃士俊

廣東廣州府順德人

萬曆三十八年庚戌韓敬

浙江湖州府歸安人

萬曆四十一年癸丑周延儒

直隸常州府武進人

萬曆四十四年丙辰錢士升

浙江嘉興府嘉善人



狀元姚涑

嘉靖二年癸未

廷試李舜臣等三百一十人擢姚

涑第一

按姚涑字惟東號明山浙江慈谿人工部侍郎鑠之子幼資魯一日苦讀有一女國色翩然曰苦讀何爲授以玉髓丸曰助君掇高科初赴會試出江遇蟹缸相觸有聲涑問故家人答曰斷船搖來撞頭衆聞之謂語識之佳相賀吳音以斷然姚涑狀頭果大魁年三十六及第脩撰丁酉主順天鄉試尋卒



狀元龔用卿


嘉靖五年丙戌 廷試趙時春等三百一人擢龔用卿第一

按用卿字鳴治福建懷安人治禮記年二十六登第福州舊傳郭璞遷城記云南臺沙合河口路通先出狀元後出相公至是用卿首選 百夢集臨試時嘗夢龍神寫狀字於頭上果中狀頭 是科革寅緣之弊用卿拔自會榜之末



狀元羅洪先

嘉靖八年己丑 廷試唐順之等三百二十七人擢
羅洪先第一 上方勵精求賢益親文學之士大學
士務一清等以洪先輩六卷進覽 上一一品題有
批語于洪先曰學正有見言讜而意必忠擢之首者
按羅洪先字達夫號念菴江西吉水人年二十六父
循官副使母有賢行宦居而荆布勉夫子以廉父見
一寺有棺七口命僧以俸金瘞於寺側及得一子卽
號曰念菴言一念之善也后魁天下人以爲陰報云



狀元林大欽

嘉靖十一年壬辰 廷試林春等三百一十六人擢
林大欽第一

按林大欽字敬夫號東蒲廣東潮州海陽人年二十
二及第授脩撰以疾告歸未久卒 田汝成記是歲
禮部尚書夏言知貢舉上言舉子經義論策各有程
式邇來文體怪異舊格屢更請令今歲凡騁詞浮誕
以壞文體者擯不得取 上從之會試既畢夏公召
予語曰進士答策亦有成式可論諸生毋立異也予

曰唯因諸舉子領卷傳示如前諸舉子皆曰唯既
廷試內閣取定二卷都御史汪公鉉得一卷大詫曰
惟哉安有答策無冒語者大學士張孚敬取閱一過
曰是雖破格然文字明快可倫 御覽遂附前一卷
封進 上覽之擢無策冒者第一啓之乃林大欽也
夏公大駭謂予何不傳諭前語予無以自解就大欽
詢之對曰某不聞此言聞之安敢違也予乃檢散卷
簿大欽是日不至次日乃領之因嘆榮進有數非人
所能沮也 狀元全考自幼聰穎作文奇宕不群翁

萬達一見異之請招爲壻岳誕日大欽書聯一對賀
曰天增歲月人增壽春滿乾坤福滿堂語意宏敞翁
曰狀元才也大欽祖父墓地有古識云五鳳山頭未
爲貴鷓鴣飛去狀元來其山未向對鷓鴣山甚凶人
不敢葬又念鷓鴣安得飛去欽祖父依古識葬之是
夜雷雨大作其山果崩若飛去然其父乃生大欽中
狀元



狀元韓應龍

嘉靖十四年乙未

廷試

以穀等三百二十五人擢

韓應龍第一

按韓應龍字汝化浙江餘姚人年三十八官脩撰未

期年卒

狀元錄應龍在庠爲邑令丘養浩所竒久

不偶至同邑陳讓解元作推於紹興養浩數以應龍語之甲午應龍不錄于有司及府考陳讓操柄收應龍考之及折卷首卷卽應龍遂爲相知果連登第

聖上

廷試策題皆出

宸衷不假臣下之手是歲


試題欲以法天法祖立意惟輔臣知之宗伯夏言行殿廊徧觀諸進士策冒至應龍見其冒云人君所以致天下之治者法天而已矣所以保天下之治者法祖而已矣乃發一笑謂之曰可用心做進呈果第一應龍舉鄉薦有司以禮賀有荔子圓眼偶遺於地者數日發生成樹矣時皆異之

義命編應龍家甚貧

樂飲酒一日過親戚家大醉離家數里昏夜步歸將臨危橋見前有二燈照之行且云送狀元將抵家忽不見中第後官京師

起將赴

朝坐于廳事忽逝



狀元茅瓚


嘉靖十四年戊戌

廷試袁煇等三百二十人擢茅

瓚第一

按茅瓚字邦獻號見滄浙江錢塘人少有氣節嘗讀
 書於寶覺寺借山顛舊屋居之始至夜雷雨大作岨
 崩自謂此身莫知所向矣詰明起視之屋右崩岨數
 十丈獨所居儼然無恙巖端露出石刻見滄二大字
 云是宋理宗所書乃其前所取號也中時家中一厨
 碗俱有露如雷一聲碎者居半人皆曰必有奇禍俄

而狀元報至未知果何謂也 年三十及第授脩撰
甲辰同考會試以總裁闕一人奉 旨撰後序登第
纔六年縉紳榮之



狀元沈坤

嘉靖二十年辛丑 廷試林樹聲等二百九十八人
擢沈坤第一

按沈坤字伯載號十洲直隸太河人系出崑山崑山
自衛涇至坤狀元凡五出矣辛卯南畿鄉試與李春
芳同榜後丁未春芳亦登狀元一榜二殿元罕有並
者是年三十五 廷對郊廟之制詳雅擢第一

狀元奇異編嘗夢仙以藥丸食之醒若胸中有物而
一室異香撲鼻 狀元錄淮安一郡自古未有魁天

下者有之自坤始後十九年清河丁士美繼之一時
禹元相接淮水擁秀茲其期乎後丁外艱于家服闋
未赴京銓曹擬注司成以待之因事遂困囹圄之阨
士論惜之先是童謠云新狀元入朝舊狀元入獄士
美登科坤被論果在己未之歲榮辱禍福事皆前定
豈人所能趨避乎


是科兄弟同科者杭州陳洪範洪濛宜興萬士亨
士和餘姚宋大勺大武陳陞陳墀皆同胞也豈不
盛哉餘姚一縣二姓一時四進士豈不尤異乎

狀元秦鳴雷

嘉靖二十三年甲辰 廷試瞿景淳等二百七十人
擢秦鳴雷第一

按鳴雷字子豫號華峰浙江臨海人年二十七登第
父文叅政兄鳴夏右春坊 狀元錄年十四時就傅

一寺中適有召箕者箕忽自運作字云門外有甲辰
狀元秦鳴雷可請至時鳴雷方自家步至館箕徑飛
至寺門外摳其衣袖而入此後常夢騎馬上天門
是科吳情先定狀頭因吳字北音曰無 聖上曰無



情豈宜居第一正猶豫時忽高懸殿旛結雷字故
聖意欲得雷姓爲首遍榜中覓之無有得鳴雷卽擢
之乃以吳爲探花




狀元李春芳

嘉靖二十六年丁未

廷試胡正蒙等三百一人擢

李春芳第一

按春芳字子實號石麓直隸興化人年三十八及第
狀元錄爲人和易淳雅與人交有情 廷試後同志
集飲於寓有白云某堂上遣官至延之入內與語而
別人皆知來報臚傳之信客皆賀之坦然曰謂拙卷
亦與進 呈之列耳神色不動人稱其雅度又甲午
秋有士子赴鄉試題詩于讀書之屋而行尾句云明
歲看花三月麗滿城桃李先春芳蓋自寓耳明年春
榜李春芳作狀元此詩爲之識也



狀元唐汝楫


嘉靖二十九年庚戌

廷試傳夏器等二百三十人

擢唐汝楫第一

按唐汝楫字思濟號小溪蘭谿人年三十七吏部尚書龍之季子也鄉試卷在魁選拆卷見爲唐太宰之子避嫌置之與其監生之卷同委于地而汝楫一卷獨懸于几端不墜監場御史取觀之愛其文乃抑置榜後入會試掌科鄭廷鵠取冠本房主考有難色鄭曰吾寧本房只中彼一卷豈有如此文字而不取乎

乃填第十鄭請刻其策亦以媿弗果及傳臚鄭大喜
自謂知文且不負所許也汝楫聞之笑曰零碎文字
不必刻只刻一篇大文字可也果酬其志又廷試之
前諸同年寫家狀至汝楫執筆忽屋上有聲如摧裂
之狀衆驚視卒無所見也回視手中筆裂而爲四汝
楫自識爲異兆寶藏之至今存焉 戊申歲汝楫夢
一梅樹生於庭前花娟靚繁盛字隱隱見於瓣中曰
明歲相逢雞水酌明年爲巳酉汝楫已豫卜矣



狀元陳謹

嘉靖三十二年癸丑 廷試曹大章等四百二人擢
陳謹第一

按陳謹字德言號環江福建閩縣人少以信義重於
鄉連擢春闈進對大廷其文莊重典則得告君之體
擢第一 狀元錄鄉試初場之日西角席舍五色雲
起時謂必奇士旣揭曉中式士謁監臨御史魯佩佩
曰今早榜出少假寐見龔公用卿來訪諸士必有繼
龔而出者矣謹嘗夢蓮花二朶甚大自空中而墜於

庭有仙童女隨蓮花而下謂謹曰何不登蓮花之上
如其言蓮花冉冉而升漸入雲端心甚恐俄有神人
持金冠緋袍與之服豈非連科大魁之兆乎



狀元諸大綬

嘉靖三十五年丙辰


廷試金達等二百九十六人

擢諸大綬第一

按諸大綬字端甫號南明浙江山陰人年二十一登
浙省亞魁時義流播膾炙人口春試屢挫益加精研
丙辰登禮闈第二入對擢第一年三十四人無信之
者因其名傳已久謂必年且長矣

狀元錄初大綬兄大綱夢見大墳一區須臾墳裂一
硃紅棺露焉須臾衣冠珮玉者自棺中出揖其兄使

入其兄難之忽大綬至與寇裳者抗以其背抵寇裳者之背使復入不解所以既而待聞天卿淵言此夢聞曰此地惟吾知之乃宋狀元山陰王佐所葬也君其狀元乎其背相抵前輩後輩之謂也果如所言



狀元丁士美

靖三十八年己未

廷試蔡茂春等三百人擢丁

士美第一

拔士美字邦彥號後溪直隸清河人年三十九及第授脩撰爲人縝密端重以道義自持在膠庠補廩時甚少年長者易之悉分其廩士美怡然無幾微形於色及登第京師有貴人欲妻之以女不從名益起先是卷進呈其第一已有所擬上覽之弗當意覽及士美卷見其策起云帝王之致治也必君臣交儆而後可以底德業之成必人臣自靖而後可以盡代理之責深愜帝衷用珠筆圈君臣交儆人臣自靖八字寘于首未第時夢已坐於堂空中有仙女一群乘鶴翩然而下人皆作樂仙音縹緲繚繞於前後久之復乘鶴而上須臾有黃旗二扇豎於門



狀元徐時行

本姓申


嘉靖四十二年壬戌 廷試王錫爵等三百人擢徐時行第一

按時行字汝默號瑤泉直隸長洲人天資秀拔書過目不忘父士章庠生自幼課之有方年十六入庠年十八為提學御史趙公鏜稱賞命錄三場文覽之曰利器也丁外艱至辛酉六月服闋府公王道行徐大節見其卷大驚異謂必前此未與考者非遺才也及拆名果然牒送督學吳公遵取為諸郡續考之首完

試以所試文呈二府公皆曰魁選無疑京闈揭榜中
第三是年二十七明年大魁天下 狀元錄將誕之
夜父夢神人與桂花一枝醒猶聞香母夢紅日照入
帷間直射其體生而膚如玉雪四齡出痘醫指脇間
一大痘挑之血流紫色曰此子必登高科與狀元生
公痘正相類至己未冬月夜半支硎山巖端有聲如
雷居人詰朝視之有石僅丈自山腰移下十餘丈後
轉而東所過小石裂一縫如虎丘試劍石之狀識者
謂來科狀元兆也吳中舊識云穹窿石移狀元來歸

宋時黃狀元由我 朝朱狀元希周皆有此兆壬戌
時行應之此石倚於道左行人入天平路每依此石
以坐云又相士李姓者嘗以狀元許之故其詩有李
仙許我占鰲頭之句辛酉時行夢行通衢得明珠一
顆心甚異之入室一室光明意此龍領下寶也必將
來取龍果至昂首向室內又意此珠不可輕授乃緘
題云臣時行謹封跪而獻之龍得珠而遂翔焉是年
四月書齋忽生芝草三莖童子不知手去之次日復
發二莖色皆黃七月督學公約試於句容委高淳令

編卷令寓崇明寺時行亦寓此吏夜編號有四吏未
寐忽見火光起其中一大魁星自外入吏驚叫令亦
駭起明日入白於督學謂必大魁之兆時所編者吳
庠卷與焉府中王徐高三公同夢龍起翔於天衢至
明各會語相同大異之及冬吳士夢報捷者至人爭
叩之彼且馳且答云狀元會元皆有除夕指揮劉世
統夢新狀元徐時行也先余有丁嘗夢登杜正榜進
士既第榜首非杜及時行入領 賜袍笏典之者內
臣杜正是夢亦淵且巧矣公後復姓申晉首相




狀元范應期

嘉靖四十四年乙丑 廷試陳棟等四百人擢范應期第一

按范應期字伯禎號屏麓浙江烏程縣人年三十九舉進士第一授脩撰先是壬子歲薛公應旂督學浙省置之劣等遂發憤入國子嘗曰大丈夫當魁天下瑣瑣何足較邪已而果遂厥志 嘗夜宿杭之地名大茆夢觀會試錄有人曰狀元者良山范崙乃機坊中人也既聞狀元爲應期細釋之殆范公之兆乎易

曰艮止也止於山屏麓也范卽范而崙亦同科特隱屏麓於崙云耳且湖地多絲而夢於杭之大茆所謂機坊中人得非大魁湖州烏程之應乎天之機微而著類如此 狀元全考應期將會試偕一舉人見禮房吏吏懼迎曰昨夢狀元至吾家二公必居一矣范果大魁



狀元羅萬化


隆慶二年戊辰 廷試田一儁等四百人擢羅萬化
第一

按羅萬化字一甫號康洲浙江會稽縣人年二十三
及第 羅公嘗止北新關有戶部主事某夢第一名
進士來訪明日羅偶謁主政主政未悟所夢相見亦
如常禮羅公明年傳臚第一主政始悟曰去年夢應
矣但有慢羅公爲愧後羅公亦不介意廷試後 上
讀進呈十七卷皆不愜 宸衷有旨取散卷讀之得

羅卷遂擢第一次黃鳳翔次趙志臯三人皆經 聖
意自取不預進呈而獲欽取亦希世之遇也今羅黃
二公官至禮部尚書矣而趙公晉首相盛矣哉

是科李公春芳主會試取士官至相國者王公家
屏張公位陳公于陞沈公一貫暨趙公志臯朱公
賡凡六人官至八座者羅公萬化黃公鳳翔李公
長春田公一儁王公用汲李公戴田公樂凡七人
是科兄弟同科山東紀五常紀克一山西李春光
李琪

狀元竒異編會試夢一老人入其舟揭去會試封條
易以第一甲第一名數字後果驗



Large stylized Chinese characters, likely a watermark or a large character from the text, overlaid on the illustration.

狀元張元忬

隆慶五年辛未 廷試鄧以讚等四百人擢張元忬
第一

按張元忬字子蓋號陽和浙江山陰縣人父天復行
太僕寺卿所居與羅萬化同巷嘗夢携其扁於家會
試時祖塋有聲三日往視得金芝六莖是科劉城夢
人以羅衣遺之曰此第二服也已有先服矣果讓
張居首時年三十四 明狀元考戊辰年予聞紹興
羅狀元報因曰來科狀元必姓張當再出紹興客異

予言謂不諳識術何以先知予解曰昔成化二年狀
元羅公倫至五年張公昇俱江西人氣運盛於一時
是以知之客笑曰成化八年吳公寬吳人然則隆慶
八年亦吳姓定是吳人邪此言未可信予又解曰獨
不知何公子孟春餘冬錄見熊入京知京數日有火已
而果然同輩問何以知之何曰嘗讀宋書紹興己酉
熊入京數日有火熊字能火乃爾同輩始服其讀書
一事且猶響應豈三年大魁獨不兆合前科乎客亦
唯唯而退終未服至辛未科聞報始服予言




狀元孫繼臯

萬曆二年甲戌 廷試孫鑛等二百五十一人擢孫繼臯第一

按繼臯字以德號栢潭直隸無錫人始生時父夢前甲戌狀元唐臯至其家遂名繼臯年二十六亦以甲戌魁天下其相符亦奇矣臯在庠時郡守福清施公觀民竒其文章氣宇常會考而臯屢居首隱然以大魁許之癸酉舉鄉薦公曰吾所望不止此也聯捷公又曰吾所望不止此也及廷試施公先時盛服坐

堂待報俄而聞報至公不覺大笑吾素望於臯者今
果酬矣令諸吏酌酒賀之是日公大醉



狀元沈懋學

萬曆五年丁丑 廷試馮夢禎等三百五十人擢沈懋學第一

按懋學字君典號少林直隸宣城人慷慨有大志嘗題鳳凰臺云丈夫意氣何相若萬里風雲指顧中每曰元魁吾分也葬其父大叅公夢送一聯云虔其始必厚其終循其名當責其寔及 廷對策冒中用此語是時 聖上勵精畱治閱此顧謂輔臣曰此二語即可作狀元遂首擢之時年四十四



狀元張懋修

萬曆八年庚辰

廷試蕭良有等三百四十七人擢

張懋修第一

按懋修號斗樞湖廣江陵人首相居正之子也兄嗣修前科榜眼弟敬修同科進士父子兄弟及親戚並列簪纓貴顯稱極盛矣後以罪謫云




狀元朱國祚

萬曆十一年癸未

廷試李廷機等二百四十人擢

朱國祚第一

按國祚字兆隆號養淳順天太醫籍浙江秀水人公
父精岐伯之術爲太醫院使所活人甚多公自少目
不視邪色足不履非禮之地嘗赴通州試試後友人
輒酒邀公飲于舟舟至張家灣同登岸友人拉入酒
家有婦靚粧公知爲妓也急出門不停足徒步二十
餘里至通州寓若將逸焉鄉舉時紫芝產于庭嘗夢
有雙頭人騎馬而前公以爲怪乃急策已所乘馬而
更前之是科後公一步者李公廷機也李公鄉會試
皆元應雙頭人之夢夢更前之者應公登狀元也
廷試後李公廷機夢削髮爲僧投一僧結爲師兄問
其姓曰朱閩語無髮爲元李公心疑狀元有屬矣臚
唱果朱公第一公是年二十五鄉會聯捷及第年四
十陞禮部侍郎今吏部侍郎推相




狀元唐文獻

萬曆十四年丙戌

廷試袁宗道等二百五十人擢

唐文獻第一

按文獻字元徵號抑所直隸華亭人父進士好施予
 自少有深沉之資十五歲入泮雅量篤學善屬文夢
 中順天試遂發奮入國學愈潔已好脩常夢月中金
 花燦爛頃之滿身又夢龍浴於室有徽友夢唐云余
 卷已入慈寧宮柰何首唱年三十八




狀元焦竑

萬曆十七年己丑

廷試陶望齡等二百五十人擢

焦竑第一

按焦竑字弱侯號漪園應天旗手衛人少負大志竒才每試輒冠多士督學耿公唱明道學公從之聞道甚蚤常稱此主宿學懿行當魁海內未第時館閣諸公慕其名行皆重之赴會試寓燕市祖師廟道士夢神告云廟中有大狀頭相公是科果首唱是年五十



狀元翁正春


萬曆二十年壬辰

廷試吳默等三百人擢翁正春

第一

按正春字兆震號青陽福建懷安人生時火光滿堂
 焰至榻前經宿始散己卯領鄉薦后以父命就漳郡
 龍溪教職督學耿公大奇之郡守李公望見紫雲起
 學宮意漳士是科有取闕元者起送科舉日命粧蟾
 宮拆桂極其華麗期以先登入見者卜之俄而先登
 者翁也父亦任延平教職元旦夢人贈彩帳其上書

以娣元吉四字郡守周解曰以娣乃易帝乙歸妹爻
辭元吉爲狀元吉兆郎君首唱奚疑是科內閣取進
御第一洪啓濬也未唱第洪夢清源山神與五虎山
神戰不勝 聖上竟以翁易洪而實洪二甲第一夢
之驗如此是狀元之得固山川之力也豈清源氣運
未至狀頭將有待而然耶



狀元朱之蕃

萬曆二十三年乙未 廷試湯賓尹等三百人擢朱之蕃第一

按之蕃字元介號蘭嶠直隸錦衣衛人父夢東方朔送一大桃而生屢試必先選貢遊南雍屢掇元嘗夢神贈聯光騰劍鏑三千丈風送鶯聲十二樓扶鸞詩蛟龍吞海日鷄鳳出岐山萬里長安道三千爾獨先未第時讀書於寧國寺忽見齋中紅光壁有題云萬方寶曆開八運一躍金鱗奮九天其事甚奇甲午領

薦應天乙未會試主人夢朱養淳至其家明日朱公入宿與夢姓符及 廷試第一則乙未狀元又與癸未狀元符矣始悟八運者萬曆第八科也一躍金鱗者龍頭之兆也乙未屬金之年也時年三十五是科榜眼孫慎行探花湯賓尹俱自南都聯捷卽甲午年九我李公典試所舉士也亦盛矣哉


狀元趙秉忠

萬曆二十六年戊戌

廷試顧起元等三百人擢趙

秉忠第一

按秉忠字季卿號岐陽山東益都縣人少負奇才以
公輔自期髫齡時青郡太守唐維城公試而奇之曰
此東齊白眉也上春官響卜福建解元作狀元乃辛
酉閩解元實與公同名姓焉忽一日于旅邸見雙靴
自躍上床既而果甲天下趙君仙才雋抱翹楚東魯
一發而魁鄉書與禮闈策 大廷冠多士益自韓城



武馬臨胸而後青土之鼎元凡三出矣
是年及第俱由諸生連捷亦一奇也



狀元張以誠

萬曆二十九年辛丑

廷試許獬等三百人擢張以

誠第一

按以誠字君一號瀛海直隸青浦縣人自幼英敏日
誦數千言爲諸生時學院柯公閱其試卷云天下奇
才大廷獨對舍子其誰選貢南雍鄉薦魁京闈嘗讀
書雲間精舍夢身騎金牛有空中人呼曰長安春獨
早走馬看花歸盃金牛乃兆辛丑狀頭也至京會試
夢一角獸觸已已跨而上是科許獬會元已爲狀元



狀元楊守勤

萬曆三十二年甲辰 廷試楊守勤等三百人擢楊
守勤第一

按守勤字克之號昆阜浙江慈谿人爲人曠達多大
志每見題味云鄴架抽縑熈日短吳鉤拂拭引杯長
五陵俠氣輕裘馬三峽詞源倒玉霜嘗訪友于官嘆
曰富貴吾所自有何以人爲其自負如此每試首選
丁酉春夢元峰袁公招飲經會元及第牌坊頂上過
抵袁宅遜之上座袁前丁酉鄉薦第二公後丁酉第

三將謂不驗今掇殿元視袁公探花果高出其右矣
甲辰場前一日自夢舉聯元同袍置酒爲賀盡醉而
罷及入場醉甚試日熟睡不醒夢有人推曰君可脫
藁矣覺足下踰著一卷春秋蓋二名魯史也盡符其
夢



狀元黃士俊

萬曆三十五年丁未

廷試施鳳來等三百人擢黃

士俊第一

按士俊字

號象南廣東順德人少負偉志抱奇

才尤敦孝悌蚤歲入泮督學許尚志公羨其文且貴


其品屢試冠多士每以大魁期之年二十七領鄉薦

赴京會試途中聞兄病篤嘆曰惡得急功名而緩吾

兄哉遂速歸丙午冬北上將至 京夢入 殿庭拜

高皇帝 帝曰汝來耶今首用汝矣及 廷試條對

稱 旨卷字精楷擢第一其夢果驗許公誠知人云
時年三十一



狀元韓敬

萬曆三十八年庚戌

廷試韓敬等三百人擢韓敬


第一

按敬公字求仲號止脩浙江歸安人祖多隱德父大
叅問卿公宰寧德地產斷腸艸小民有眩眊輒日毒
問卿公命以芟薙代杖贖歲餘種遂絕官三十年未
嘗逮一旄倪及女婦太夫人性篤孝事老姑備至姑
疾草時謂婦事我盡孝當從冥司乞一狀元兒爲婦
報比公初震時太夫人夢日入室覺猶晃然問卿公

夢日月入懷而產公益日月兩圓卽兩元之兆公少
穎敏過人讀書十行俱下性洒落不事生產里中或
目攝之不屑也癸卯冬過廣德一友人先日夢張陽
和公至詰朝公款門矣巳酉春公配沈園中多生並
頭蒼忽睹紅綠二蝶如團扇巨飛集巷間良久方去
又閣中所貯木段產翠條二尺許人以爲絕異春雷
起自郡城文昌閣中但聞震聲不見損壞無何遊北
雍舉秋試魁京輔問卿公夢一羽衣捧若璽書者來
謂曰而有玄德 殆以此舉償其一庚歲更償其二

當有加焉果聯
大魁不爽公廷對條畝精諄作字
逼真古晉卷進
御時閣擬第三人
上拔寘第一及臚唱知與會試合
上自喜得人云時年三十一

終



狀元周延儒

萬曆四十二年癸丑 廷試周延儒等三百五十八人
擢周延儒第一

按延儒公字玉繩號抑齋直隸宜興人宜興史孟麟
曰玉繩方舞象余與談藝輒雕龍繡虎甫齒學余與
談道又徹形上窺帝先已而以性道爲藝三吳士若
紳推爲秣林之冠冕玉繩之先有靜菴先生者王文
成高弟以性道木鐸吾義興祖太康公有文先鳴則
性道文學世其家從來遠矣其初生隔晚祖太康公

夢家中開大池又中百鳥會集門前豎大牌坊又上
武魁二大金字遂乳名武人曰武者大也果中大魁
旣而父夢徐文靖公語云第三令卽宜教之謙抑如
何在余前走徐中榜眼在前卽狀元矣遂定號曰抑
齋以文靜號謙齋故也中舉北上寓浦口陳店一房
素有邪祟卧不安寢聞有聲云會元狀元在此不可
驚鬧而父夢臂生兩翼飛到嵩華絕頂蓋子中兩元
父卽兩元也未中元時常夢出遊前擺瓜槌金燈遂
應公又臨塲夢關帝送賀禮又金曰殿金蓋古有玉

殿傳金榜君恩賜狀頭之句應夢殿金二字卽殿元
之乖張延登曰余分校禮闈淇澳孫公知貢舉將放
榜之夕公坐假寐忽若有言者荆川先生在睨之見
緋耆而皤東立者荆川也驚寤而榜適填第一則周
玉繩也荆川年少以前戊子舉南畿己丑會元玉繩
亦年少子丑魁天下其後身耶

書